



REGIONE AUTONOMA DELLA SARDEGNA

DELIBERAZIONE N. 12/19 DE SU 26.2.2008

Ogetu: L.R. 29 trìulas n. 23, art. 93 "Normas pro sa protetzione de sa fàuna agreste e pro s'esertzìtziu de sa cassa in Sardigna". Reconnoschimentu de su Sòtziu pro sa cassa "Unione Cacciatori di Sardegna".

S'Assessore de sa Defensa de s'Ambiente relatat a sa Giunta regionale chi, in cunforma a s'art.93 de sa L.R. 29 trìulas 1998 n. 2 "Normas pro sa protetzione de sa fàuna agreste e pro s'esertzìtziu de sa cassa in Sardigna", su Sòtziu "Unione Cacciatori di Sardegna -U.C.S.", costituita in die 27 maju 2003 cun àutu notariale de su dotore Fausto Pusceddu repertòriu n. 117737 regorta n. 17900, at presentadu in die 13 làmpadas 2007 dimanda pro su reconnoschimentu de su Sòtziu de cassadores.

S'assessore sighit informende sa Giunta regionale chi su Sòtziu at cumpletadu sa documentatzione rechesta dae sos Ufìtzios de s'Assessoradu, e in particolare chi:

- s'istatutu tenet finalidades isportivas, de recreu, formativas e tècnicas pro sa cassa;
- comente decraradu dae su Presidente de su Sòtziu, custu possedit un'organizzazione aposentada cun eficatzidade a livellu regionale;
- dae s'elencu imbiadu resultant iscritos a su Sòtziu unu nùmeru de 6471 sòtzios, prus mannu de su de bintiunu de sas litzèntzias de cassa emìtidas in sa regione (gasi comente prevididu dae s'art. 93, comma 1, lìtera c), e chi custos sunt totus cassadores comente formalizadu dae su Presidente de su Sòtziu in cunforma a su D.P.R. n. 445/2000;
- est previdida in s'istatutu s'elezione democràtica de sos òrganos direttivos.

Premìtidu totu custu, s'Assessore de sa Defensa de s'Ambiente proponet a sa Giunta regionale su reconnoschimentu in cunforma a s'art. 93 de sa L.R. 29 trìulas 1998 n. 23 de su Sòtziu de cassadores demominadu "Unione Cacciatori di Sardegna - U.C.S.".

Sa Giunta regionale, pustis de àere intesu sa proposta de s'Assessore de sa Defensa de s'Ambiente e leadu atu chi su Direttore Generale at espressadu parre in favore de legitimidade

DELÌBERAT

- de reconnòschere su Sòtziu de cassadores denominadu "Unione Cacciatori di Sardegna - U.C.S."

Su Direttore Generale

Fulvio Dettori

Su Presidente

Renato Soru